

Møteprotokoll

Utval: Stølsheimen verneområdestyre
Møtestad: Digitalt møte
Dato: 17.02.2021
Tidspunkt: 09:00 – 10:00

Følgjande faste medlemmar møtte:

Namn	Funksjon	Representerer
Sigbjørn Hauge	Leiar	Voss herad
Liv-Anne Aanesen	Nestleiar	Modalen kommune
Petter Sortland	Medlem	Høyanger kommune

Følgjande medlemmar meldte forfall:

Namn	Funksjon	Representerer
Stig Nesbø	Medlem	Vik kommune
Kristina Vaktskjold Hamre	Medlem	Vestland fylkeskommune

Følgjande varamedlemmar møtte:

Namn	Møtte for	Representerer
Marta Sofie Vange	Stig Nesbø	Vik kommune

Merknader

Møtet vart gjennomført som digitalt møte på Teams

Frå administrasjonen møtte:

Namn	Stilling
Anbjørg Nornes	Forvaltar/sekretær

Underskrift:

Vi stadfestar med underskriftene våre at det som er ført på dei sidene vi har signert i møteboka, er i samsvar med det som vart vedteke på møtet.

Saksliste

Utvals-saksnr	Innhald	Lukka	Arkiv-saksnr
ST 1/21	Godkjenning av innkalling og dagsorden		
ST 2/21	Val av styremedlem til å skrive under protokollen		
ST 3/21	Orienteringar og referatsaker - Fotokonkurranse i samband med 30- års jubileum og anna markering - Årshjul - Møtedatoar 2021		
RS 1/21	Delegering av myndighet etter naturmangfoldloven til statsforvalterne og nasjonalpark- og verneområdestyrer		2020/17622
RS 2/21	Spørsmål om tursamarbeid i Stølsheimen		2021/489
ST 4/21	Saksframlegg - Stølsheimen landskapsvernområde - utbetring av sti - Hallsetstølen til Øvre Berdalsvatnet		2020/18946
ST 5/21	Saksframlegg - Stølsheimen landskapsvernområde - Helledalen - istandsetting av bru - motorferdsel		2021/1968
ST 6/21	Saksframlegg - Stølsheimen landskapsvernområde - kvisting av skiløype i Stølsheimen og motorisert ferdsel i samband med kvisting		2021/1413
ST 7/21	Stølsheimen verneområdestyre - prioritering av tiltak og bruk av tiltaksmidlar 2021		2020/17392

ST 1/21 Godkjenning av innkalling og dagsorden

Saksprotokoll i Stølsheimen verneområdestyre - 17.02.2021

Vedtak

Innkalling og dagsorden vart godkjent.

ST 2/21 Val av styremedlem til å skrive under protokollen

Saksprotokoll i Stølsheimen verneområdestyre - 17.02.2021

Vedtak

Marta Sofie Vange vart valt til å skriva under møteprotokollen saman med styreleiar.

ST 3/21 Orienteringar og referatsaker

Saksprotokoll i Stølsheimen verneområdestyre - 17.02.2021

Handsaming i møte

30-års jubileum for Stølsheimen 21.12.2020 vart markert i 2020 med ein fotokonkurranse. Fotokonkurransen er publisert på nettsida til verneområdestyret og på facebook-sida. Det kom inn godt 200 bilde til konkurransen.

I 2021 vil styret markera jubileet på dialogmøte mellom styret og RU i haust. I tillegg ynskjer styret at forvaltarane kontaktar turlaga med tilknyting til Stølsheimen, for å diskutera felles turar i 2021. Dersom turlaga ynskjer det, kan styret vera medarrangør på dagstur i Stølsheimen som turlaga har lagt inn i sine planar for 2021.

Styret vart einige om fylgjande møtedatoar i 2021:

- Måndag 15. mars kl. 12.00 – digitalt møte
- Onsdag 28. april – digitalt møte
- Onsdag 9. juni – digitalt møte
- Måndag 6. og tysdag 7. september – dialogmøte med rådgjevande utval. Synfaring på stien gjennom Berdalen og Stordalen til Åsedalen.
- Torsdag 2. desember

Styret bad forvaltarane starta arbeidet med informasjon om moglegheit for å søkja kommersiell bruk av [merkevara Norges nasjonalparker](#). Informasjonen bør gå til næringslivet med verksemd i eller i nærleiken av Stølsheimen landskapsvernområde.

Vedtak

Referatsaker vart tatt til orientering.

RS 1/21 Delegering av myndighet etter naturmangfoldloven til statsforvalterne og nasjonalpark- og verneområdestyrer

RS 2/21 Spørsmål om tursamarbeid i Stølsheimen

ST 4/21 Saksframlegg - Stølsheimen landskapsvernområde - utbetring av sti - Hallsetstølen til Øvre Berdalsvatnet

Saksprotokoll i Stølsheimen verneområdestyre - 17.02.2021

Handsaming i møte

Vedtak i samsvar med innstilling frå forvaltar.

Vedtak

Stølsheimen verneområdestyre vil gjennomføra synfaring saman med Bergen og Hordaland Turlag for å vurdere kva tiltak som kan vera aktuelle på stien i Stordalen og Berdalen. Synfaringa skal gjennomførast i barmarkssesongen 2021.

ST 5/21 Saksframlegg - Stølsheimen landskapsvernområde - Helledalen - istandsetting av bru - motorferdsel

Saksprotokoll i Stølsheimen verneområdestyre - 17.02.2021

Handsaming i møte

Vedtak i samsvar med innstilling frå forvaltar.

Vedtak

Stølsheimen verneområdestyre gjev Indrefjord grunneigarlag løyve til å utbetra brua i Helledalen. Arbeidet kan utførast med gravemaskin. Løyvet er gjeve med heimel i verneforskrifta for Stølsheimen landskapsvernområde og naturmangfaldlova § 48 fyrste ledd og fyrste alternativ.

Løyvet er gjeve med fylgjande vilkår:

- Brua og bru-kara skal ha same utforming og storleik som i dag.
- Steinane i bru-kara skal nyttast opp att så langt det er mogleg.
- Det kan plukkast supplerande steinar i nærområdet.
- Gravemaskin kan nyttast til murarbeidet, og for å grave ned steinfundament i elvebotnen. Graving i elvebotnen skal avgrensast til område med brufundamentet.
- Maskinarbeidet skal utførast på ein miljøforsvarleg måte som ikkje medfører ureining av vassdraget.
- Terrenginngrep skal avgrensast til det som er naudsynt for å få bygd opp att bru-kara.
- Torv skal leggst til side medan arbeidet pågår, og flyttast på plass att når arbeidet skal avsluttast. Køyrespor og terrenginngrep skal slettast og tilpassast terrenget.
- Verneområdeforvaltar skal vera med på synfaring i området for sluttgodkjenning av arbeidet.
- Tiltaket skal vera gjennomført og slutført innan 30. november 2021.

Det må søkjast Stølsheimen verneområdestyre og Vik kommune om løyve til transport av gravemaskin og utstyr med helikopter.

ST 6/21 Saksframlegg - Stølsheimen landskapsvernområde - kvisting av skiløype i Stølsheimen og motorisert ferdsel i samband med kvisting

Saksprotokoll i Stølsheimen verneområdestyre - 17.02.2021

Handsaming i møte

Vedtak i samsvar med innstilling frå forvaltar.

Vedtak

Stølsheimen verneområdestyre gjev Bergen og Hordaland Turlag løyve til å nytta snøskuter til frakt av kvist til fylgjande vinterruter:

- Trefall – Selhamar
- Selhamar – Åsedalen
- Vikafjellsvegen (Rv.13) – Sendedalen – Selhamar
- Åsedalen – Solrenningane
- Solrenningane - Stølsdammen

Løyvet er gjeve med heimel i verneforskrifta for Stølsheimen landskapsvernområde punkt VI nr. 6, og gjeld med fylgjande vilkår:

- Løyvet gjeld kvisting før palmehelga i åra 2021, 2022 og 2023.
- Kvisteruta frå Rv.13 skal starta frå parkeringa ved Telegrafhytta.
- Snøskuterkøyring skal avgrensast til det som er naudsynt for frakt av kvist.
- Under køyring skal det takast omsyn til naturmiljø og friluftsliv
- Transporten skal om mogleg skje utanom søndagar og helgedagar av omsyn til friluftslivet.
- Transporten skal gjennomførast på 1 til 2 dagar.
- Dersom Røde Kors Hjelpekorps har kjentmannstur i området, skal kvistinga gjennomførast samtidig og i samarbeid med dei for å redusera motorferdsla i området.
- Til kvistinga skal det nyttast kvist/greiner frå tresortar som veks naturleg i landskapsvernområdet.
- Motorferdsel skal meldast seinast dagen før til Statens naturoppsyn v/Kristoffer Ullern Hansen (mobil 97097720). Han vil gje melding om det må takast spesielle omsyn til villrein.
- Løyve til motorferdsel og køyrebok skal vera med under transporten. Køyrebok skal fyllast ut før kvar tur.
- Rapport med utfylt køyrebok skal sendast til sekretariatet innan 1. juni kvart år i løyveperioden.
- Løyvet kan verta endra i løyveperioden dersom det i løypeplan for Nordfjella villreinområde kjem endringar på kvista vinterruter i Stølsheimen.

ST 7/21 Stølsheimen verneområdestyre - prioritering av tiltak og bruk av tiltaksmidlar 2021

Saksprotokoll i Stølsheimen verneområdestyre - 17.02.2021

Handsaming i møte

Vedtak i samsvar med innstilling frå forvaltar.

Vedtak

Stølsheimen verneområdestyre prioriterer tiltak og tiltaksmidlar for 2021 etter fylgjande tiltaksplan:

Kort omtale av tiltak	Revidert budsjett
Framande tresalg	
Skjøtselshogst gran på Tenne	20 000
Planlegging - skjøtselshogst gran Finna fjorden	50 000
Skjøtsel av kulturlandskap	
Prosjektleiing	36 000
Sylvarnesdalen - rydde sprake, slått selbøen	10 000
Smørklepp og Fidnaselbøen - vedlikehaldsskjøtsel	5 000
Negardstølen - rydde oppslag av krattskog	5 000
Rotteskardet - rydde oppslag av krattskog	4 000
Fossesete - slått bregner, rydde oppslag av lauv	4 000
Skjøtsel i Finnabotnen jf. Skjøtelsplan	20 000
Finden gard. Rydde beite ved Vetlestraumen i 2021.	30 000
Skjøtsel av stølsvegar og stiar	
Utbetring brukar Hedledalen	200 000
Sti Finnabotnen - Fagerdalen	10 000
Tilretteleggingstiltak	
Kai i Finnabotnen	40 000
Informasjonstiltak	
Skilt og innfallsport Framfjorden	100 000
Planlegging informasjonspunkt Ortnevik	100 000
Design temaskilt 6000 x 6 - 36 000 + kart 24 000	60 000

Montering av 9 skilt (Høyanger og Vik) ca 25 000 pr. skilt	206 000
SUM	900 000

Forvaltar kan i samråd med styreleiar fordela tiltaksmidlar mellom prioriterte tiltak innan for budsjetttramma.